

四庫全書

集部

欽定四庫全書

集部

演山集卷九至十二

詳校官庶吉士臣吳烜

侍讀臣孫球覆勘

覆校官中書臣王慶長

校對官主簿臣汪日贊

謄錄監生臣唐作梅

謄錄監生臣張鴻仁

欽定四庫全書

演山集卷九

宋 黃裳 撰

律詩

次冷風閣之韻

九龍峯下閣橫秋世上纖塵不可留
清伴夜蟾留醉客
細吹時雨走歸舟
天南從此載鵬往
山北與誰乘鶴遊
山有已
是逍遙何所待
上人高卧見蓬丘
列子御風而行猶有所待
者也
惟無所待
所以為逍遙遊

能御冷風入九秋
豈愁光景去難留
翠搖竹影落猿嶠
清遞笛聲來鷺洲
兩腋獨乘盧椀興
滿襟誰作楚臺遊
須知大塊生微意
豈俟雲邊虎嘯丘

寄題澄虛閣

檻外天都近池塘
水鑑平微風晴後
寂孤月夜來清大
象莫能破纖塵何
處生湘靈誰為感
一曲謾分明

贈致政王朝奉

得老歸來已幾年
水雲深處洞中天
有身且睡三竿日

無物應看一指禪松竹亭臺閒信步鄉間樽俎謾隨緣
此生離合誰能定只見龍潭尚宛然

次張秘校昔日同遊僧舍

過去光陰有勝遊翠微深處更尋秋偶尋得石坐云坐
莫問作官休未休世揉道情塵擾擾雲藏詩壁歲悠悠
山僧看了須重看且碧雙眸便轉頭

和李學士試院感秋二首

遽往偶相集下簾人事稀感秋那聽雨聞杵屢催衣得

喪多士夢行藏羣鴈飛黃花期野老須插滿頭歸
荒庭初得雨幽點失調梧滯思舒千卷高吟想五湖蛩
聲生翠幄酒力借微軀襲蹈貽文病猶難望漢儒

送劉教授

升沈相識十三秋新故如麻一轉頭久欸遊從來北闕
遽聞風教入東州自驅矛盾趨中說誰擁鸞旂翫半流
十日菊花猶可醉多情應且擊扁舟

以重陽後一日行故云

平嵐亭

平嵐亭寄半天身閒向欄干獨倚頻往事有懷誰共笑
歸雲無倚自相親神仙窟宅幽明境花木園林上下春
斗絕一臺疑是此不須低首看紅塵

湖上

一家風景洞天清不愧東南第一名春入桃源花未落
秋歸湘浦月初生便捐世事匆匆到且置籃輿緩緩行
隨分堪觀無可辨水光山色競相迎

會江晦叔遊湖山

相隨山水恣徘徊興未闌時慎勿催草草行厨隨步去
忽忽漁艇趁船來每逢佳景還含思偶造幽軒更把盃
况是同歸無世味何須旁立有蓮腮荻灣桃塢猶留客
不覺銀餅又耻罍

送昇師行

得道無餘事遊方有幾年如何超幻境誰與付真筌初
祖昔曾訣趙州今已仙進修方且學拂蕩未須傳歸去
南山好休休更說禪

留題西禪寺

誰是怡山不滅仙
定光來應此方緣
龍驤鳳翥三宗宇
獅吼雷鳴六祖禪
魚佩獨垂聊徇世
藕絲相感為開天
自從日月歸真後
衣法何人已得傳

題鄉老堂

未到中年便掛冠
一鄉三老北溪寒
廢興有命知尤早
去住無心遇更難
輕物想能閒似夢
愛山應是好如官
莫言林下何曾見
待向圖中畫與看

次趙彥思東湖見寄

為愛江湖夢也尋有泉來處亂雲深鑿開澄澈是天界
激起潺湲非世音鴻鴈渚幽山兩足芙蓉堂冷水中心
花時月夜扁舟興相約公餘一醉吟

和范宏甫

不於場屋便橫行安用詩書寄此生萬里一飛雖有志
十年三戰未成名風霜已是知秋栢雷雨何妨借海鯨
自愧壯圖猶未効幾時樽酒與君評

喜張公實至

纔踰閩嶺轉悠悠所屬相逢夢未休
逸興起君桑梓國多情尋我帝王州
且看文物興朝事上初即位更話溪山舊
酒樓會合此生能幾度一樽長瀉菊花秋

方祖仁都門阻雨

未蒙官放此身休空恨茶園失舊遊
將謂天邊鴻共發豈知門外雨相留
一襟涼過人歸室萬朶香殘菊送秋
兄弟急難君有義白衣東下更何尤

祖仁南省下第
集兄之事而去

桐廬會景亭二首

物華才思兩無窮來倚欄千萬累空今古坐間山遠近
悲歡潮後客西東樵樓上下夕陽外漁網高低煙雨中

想見飛昇人只在留題當識紫元翁

昔有桐君戴顯得仙於此

舟楫會通處陰陽明晦時四并歸善政萬象入新詩地
勝得仙久水遙歸鷺遲為看滕閣記將賦此尤宜

送王道觀錄事

一府觀風郡督郵試看鷹隼在高秋

用侯文事

黃花對酌新

離別白雪難思舊唱酬

昔與道觀雪中聯句

塵緒案頭來擾擾銀

河天上去悠悠碧羅琢硯初離水勤寫瑰竒度阻脩

貽劉先生

勢利交遊聚與分會真堂上合離羣形骸外索難為侶
風義中尋偶得君水鑑秋來宜泛月桃源花後且穿雲
此生已是龍山客高論相過我欲聞

題望遠樓

雕欄身有限芳草意無窮望盡天垂地吟餘色入空鋒

銚千里岫羽翼半天風萬象回頭了駢明亦夢中

寄陳邵老

南來安不裂新題萬里悠悠十載睽一別每懷君海角
兩除應笑我朝輦是非莫訝時方轉榮辱須驚物未齊
故舊九仙山下客想曾攜手泛三溪

幾度為書却便休踈慵如我更如讐兩忘有道何須問

相責無情我合羞

邵老書有
相忘之責

屢感客塵新事變難尋陵

谷舊時遊為親歸去親猶健只此浮生已解憂

次邦彥節推見寄

十年譏笑為誰妨，洒落思君酒甕旁。
曉殿雖爭多士捷，夜窻還對短檠光。
靜憐春草開三徑，冷恠朝齏引五漿。

且喜相逢頭尚黑，江湖休更起懷鄉。

邦彥詩有江湖之意

淮上相逢得勝遊，水邊鄉落水邊洲。
每憐酒旆能留客，長恐秋風便解舟。
十載窮通重把手，兩朝今古一迴頭。
金明且看春波綠，共我忘機子與鷗。

寄簡能

形迹分飛有道同五年聲問不須通侍親官上應尤樂
得子年來想更聰相對忽因山入夢自窺還愛壁涵空
公餘誰伴溪南話七椀浮雲兩腋風

榴花洞

蓮社是非外洞天空色中一枝樵客夢

樵人歸秦人因
贈榴花一枝還

家如夢覺
見閩中記

兩腋石門風鹿徑蹤何在榴花信可通此緣

當邂逅來接紫元翁

鹿徑石門
皆在記中

訪曾君施不值

有懷高論已經年不落中間與兩邊
世路幾人機寂寂
春風何處騎翩翩四聲險韻應尋句
一炷清香且看禪
我更欲勞三吐哺周公今付伯禽賢

送李奉議

更去鄉關作子男得賢當美大夫監
暑中雨過乘清洛
公外雲開看綠巖遂失故人須舉酒
纔聞佳境便收帆
春暉已報君無愧一表遺文勅兩緘

彦正陞朝父贈承事母封淮安縣太

君屬予表其墓

貽沖和子

想見高風夢已飛，無心有道心微。此生獨斷來修養，
何處相逢得指歸。融結幾人如火候，幹旋惟子識天機。
松庵欲對禪床坐，莫問朝曦與夕暉。

陰陽

陰陽無意本由人，禍福皆緣幻與真。悟即離倫兼度世，
迷須傾國更亡身。智愚莫曉氣隨數，老少合驚秋復春。
有物混成如了得，却教真幻兩通神。

遊洞霄簡陳伯修

異香來自洞中春
王屋華陽密作隣
宛轉白雲離紫府
參差青鎖斷紅塵
若無天柱難留許
惟有桃花解笑秦
我得此官應是分
欲從何處更尋真

考試軍器所和敦禮兵部見示之什

夢中宣使至天上
勅書開去騎遵西
野回眸失北槐
利

名何日了儒法幾回來

取士有明
法學官科

丹管誅邪說
重帷截

亂埃簿書稀見影
典策冗成堆
仰望門雖峻
旁求網已

恢幽題胃膽破雄敵劍鋒摧狂欲勞彈鋏輕投慎報瑰
侯中誰破的營下各銜枚含蓄飛香翰搜尋遶翠苔自
非衡鑑手誰是棟梁材累外灰心火間中臥鼻雷相投
歸邂逅共樂入調詼寥廓喪爾界勤勞忘彼嵬家音催
轉歷廳議款銜盃殊品酬三刖遊辭薦一咍無形嗤字
號有秩喜罇壘壁角蛟初動天南暑已回不慚居室漏
却厭面牆隈風滿亭亭扇香餘餅餅灰幾時當命駕此
興可登臺清浪風歸袖紅鱗酒入腮莫隨人俯仰且共

月徘徊既事當如約分襟便可催棘闌人散後誰賦北
山萊

偕王道觀雪中聯句

瑞意纔含蓄輕花即翦裁清寒穿箔去豐兆破煙來

晁仲

密霰俄傳信癡雲預作媒瑤池方綴艷玉鳳更毳毼

道觀

思見憐初洒憂消喜漸堆惜明聊自擬驚密偶同欵

晁仲

片片榆飄英累累蚌剖胎遽將天曉報頻把歲華催

道觀

有景榮千嘯無私瑞九垓水精排瓦礫天庫委瓊瑰

晁仲

就下深趨坎憑高杪寄桅四垂纔密密一望已皚皚

道觀

瀑布闌直瀉仙葩誰碎接風前鵝毳落秋後海潮回

仲冕

磐轉揚輕礦篩旋迸細粳紋波翻太液縞練遶蓬萊

道觀

泛泛冰壺動漫漫寶鑑開柳條新弄絮律管乍飛灰

仲冕

照耀行人瑩光華釣叟臺書帷爭白日秋色改黃槐

道觀

比潔須延月聞香不掩梅載塗人艮趾入領我咸脢

仲冕

封鎖煙嘗衛飛揚露可陪厚將平地塹高欲峻堂陔

道觀

特應三冬令寧傷萬物胚秦虵伸瓦隴卞璞暴山岈

仲冕

始恐佛氏講天花何徘徊終疑宓妃至仙肌何竒佺

道觀

蚰鋪砧上練池泛甕中醅豐滿莫見睨優閒休及墮遺

圓還得璧臨翠忽亡苔弄巧俄顛漩爭狂忽遡洄

晃仲

空

中逢汗漫望外見崔嵬艷態非因飾虛根豈可栽先崇

逢壠斷後化得墻隈歡賀紛耕叟欣拏亂戲孩

道觀

應迷

天上鶴猶壓地中雷商色皎且盛郢歌清更哀簷澌懸

劍戟庭塊列杓魁對老凌華髮迎春濯舊埃

晃仲

盛疑星

漢瀉高恐玉山頽江水聊添漲春根却忌培漁汀埋舸

纜獵野陷盧鉤覆改污為潔消磨厲作災

道觀

棲寒禽惴

慄步滑馬虺虺富國寒仁溢籠鵬素網恢漫郊頻去牧

闕

穴愴歸棘戶濕知風送軒鳴想竹摧

晃仲

密勻甌漬液

丹映檻凝鮀照歲何妨積侵堦慎勿推

道觀

書牕輝竹簡

詩筆凍松煤煎煮供茶鼎收藏廁酒罍

晃仲

擬黏安可卷

欲器不禁鉗俯拾甘頰手昂窺任撲腮

道觀

誤雞忙下杙

趣雉不須罽翫久清成興吞多冷失咍

晃仲

脂膚堪獎與

墨面可譏詎鹽散徒云爾心虛可比哉

道觀

助清還啜茗

勝冷屢銜盃辨味憑茶陸登高愜賦枚袁門清夢未梁
苑勝遊纔船去須尋戴詩成蓋獻裴光餘應可借闕大

固難猜

晁仲

徐州遊崇寧

得官來自洞中天間向桑間虧問禪已為命機根玉籙
曾將心印祖金仙懶看小吏呈朝報喜聽高人說世緣
一物也無參底事紛紛誰可付真筌

道中有作呈崔風子

有分尋真莫道難蓬萊詩句請君看雙輪轉出三清路
二氣燒成九轉丹煙靄樓臺金虎遶雪霜宮殿玉龍盤
解顏為向潛山近天柱峯頭月夜寒

演山集卷九

欽定四庫全書

演山集卷十

宋 黃裳 撰

絕句

舟次嚴子陵瀨

纁車曾此賁山林深谷為陵古到今
節行清如臺下水何人能洗利名心

故人康世自英雄富貴明知轉首空
不似羊裘歸去好素癡猶解笑三公

交遊分在紅塵外主客緣從紫極中各有志存休見迫
經邦須訪渭川翁

風節無人能用舍塵凡何處問行藏虹蜺已卷胷中氣
只作天文一點光

己外世情來獨立何勞物色去相尋太官食好還多累
一線金鱗豈有心

和張樞密西齋

雙梧尤愜雨中聽莫恨庭前古月明
藪藪西風吹又急

却疑欹枕得秋聲

和人聞角

二首

胡笳羌笛此聲同一曲梅花萬感濃
吹轉滿城蝴蝶夢
利名心動五更鐘

一聲寒角四更終
吹下雲間細細風
孤館幾多人展轉
半窻明月與誰同

秋日有感

秋來猶寄一涯天
葉葉秋聲似去年
可惜良辰長在客

不堪孤館更聞蟬

幾時能致買山錢
便好山中醉暮天
有物秋來長引夢
鱸魚新到曲江邊

延平閣閒望

十首

歌管東西誰共樂
水雲高下自相通
吟看忽到難吟處
望斷天南色入空

南北山形兩闌龍
畫橋橫鎖水西東
百花巖上人長在
誰識神仙指顧中

兩邊樓館倚晴空閣出中間與畫同
劍未歸時潭得月
舟從來處客乘風

翠微虛白兩圓融爽氣令人欲御風
曉傍雕欄初見日
水天都入混茫中

客維舟處莫忽忽拂袖人來蓼已紅
江上忽含烟雨意
數峯還在有無中

倚闌誰問紫元翁湘浦幽懷莫我同
邂逅秦漁人不識
扁舟常在水西東

不顧溪山已幾年再營華構慰人瞻欲尋好景歸詩思
更候朝曦與夜蟾

英靈祠下晉朝賢終件精芒水合邊看取黃龍沙斗起
滿城歌吹入豐年

演峯遙見客懷開天末舟從海上回三岸謹呼無別事
一潭風雨劍歸來

雲中山出三秋靜水上風來六月寒寶氣有時藏不得
夜深尤好倚闌干

梅花 八首

芳意已將春漏洩，真香何處雪埋藏。
百花頭上爭先好，未用忙誇落後粧。

逢春莫問枝南北，對雪休分臘後先。
豈獨惜花長欲醉，相宜尤是雪寒天。

花傍水邊窺縹緲，月來花上失蟬娟。
長教風脚微如線，時把真香為我傳。

密移神化本無情，天篆橫空木末榮。
凝住雪花都不下，

槎牙枝上放盈盈

蜂蝶謾尋花後葉功名猶寄鼎中羹
開樽好席瑤林下香墮金卮得素瓊

一種清香誰可比九春和氣爾爭先
曉來爛熳驚人眼只謂寒林是雪天

醅醕新酒人間熟
苦蕾寒梅嶺上開
新自折歸樽畔去
幾回尋向雪中來

自從花發吟何苦
未見春來惜更深
天與異香分辨雪

不教埋沒亂山陰

次禹弼同遊滕王園池之韻

四首

當時歌舞競韶華
銀燭燒殘始上車
堂上舊歡何處覓
春風無計問桃花

徘徊池上昔人非
不為勞生竟自迷
花下百年緣分滿
月明誰聽杜鵑啼

標的強宗兩鬢華
不令身後到牛車
武陵溪上人何在
流水聲中看落花

洪都山水北宮西不似元嬰未解迷客去尋春人已往
驚猿空有曉來啼

遊山

靜意逢山樂自知更遺名跡恐人疑寒林野水相窺處
步未移時已得詩

牡丹

五首

袞袞羣芳已失真超然奇秀始離倫夜遊說與雕欄客
費盡天機老却春

晚得天真獨有餘
百花榮謝莫相須
無窮春思包含盡
但問薰風有也無

香色兼收三月尾
聲名都壓百花頭
天真無處窺神化
欄畔新粧却自羞

東秦西洛景相望
只候花開是醉鄉
曾見玉香毬最好
樽前何獨說姚黃

玉香毬青州之花
揀朵盈帽而重

夜對金蓮尤婉孌
曉窺清照轉精神
若教更共人長久
豈待能言始惱人

醅溜守見寄

三首

餘事誰能競世紛
閒臨風月戲為文
清時不作閒時樂
只恐櫻桃口笑君

海岱東邊第一州
幸持龍虎節來遊
湖光照我清如鑑
未暇回頭看急流

倘來軒冕不須疑
鶴短鳬長却自悲
只合公餘貪一醉
賢愚休較未歸時

訪鄧承旨不值

一榻清風勞輾轉
八甌閒日想徘徊
不須笑貌方相識
妙響還聞大似雷

重九候拆號官

傾耳西來御史驄
已慚秋月
在塵籠
人間一笑誰能定
未必龍山失醉翁

遊淨慈寺

漸遙人入翠微鄉
跨壑凌雲古道場
慧日體中誰獨見
水光終不外山光

遊孤山

為聞高隱訪遺孫
只有孤山獨自存
悵望詠梅人不見
寂寥惟度月黃昏

信步

樂道有真侶
好山無俗交
野花將逸興
不覺到巖坳

代探花郎

蟾宮兄弟滿清都
競向花前醉索扶
昨夜碧桃源裡去
麝香多少上蜂鬚

鞭上蘆花柳色中忽忽須放狀元紅東君已播芳菲令
莫倚雕欄待晚風

泛淮

泛盡隋河乍入淮數峯秋勢旅眉開此身未立如飛絮
愧向雲山去又來

贈致政張郎中

林下閒携數尺筇長中寬袖道家風已留吏政青編上
却御仙風紫府中

暑中偶懷江上舟行

正行佳處且休移水綠山青欲染衣
蘆葦汀洲鴛鴦渚

斜風細雨不須歸

用元真句

水光中更有天光俯仰遊人在混茫
自許纖毫無一點

那堪乘興得瀟湘

樂緣仁智兩相宜好是斜陽未可歸
倒影沉沉長自在

謾懷今古歎人非

橫斜林木現寒流鳥在山前且艤休
自笑自吟無俗友

此生相問有漁舟

試院呈同事

鄉士窮通時已過石榴花實我重來相尋翠幄年年事
誰為天公得驥材

方握丹毫經兩考已悲青塚送三歸黃花明月秋來好

醉却曾中是與非

張景修王伯通馬彥醇同為
試官相繼而往故有是句

舟行

水村山驛七閩溪數槳青腰沂上遲酤向竹林人已到

蘆花汀畔且休移

兩岸青山一水明
溶溶天上客舟輕
行人千載誰相望
謾掃幽巖記姓名

石榴庭院有感

石榴庭院翠華深
千點胭脂一簇心
日永風微花自笑
吹簫人在綠交陰

懷古堂有感

去住元來自有因
臺頭山上合樓神
茂林高下閒行客

想見當時一夢新

在京師時侍奴夢予信步去處林木高下寂無塵跡正如今日所寓

彭老真筌無處問劉郎才思有誰同賦詩臺上秋來到
當為黃花作醉翁

山河來處禹分州幾代靈光孕俊遊推作漢王猶未足

更將功業看諸劉

彭城人物自漢抵後周見於史傳
二十二人而為劉氏者十有八

勝負區區昔已非山河今落太平時歌聲皆是田家樂
豈有虞姬一段悲

立春奉祠太一

九霄香落降龍衣
隱隱霓旌下紫微
十雨九風春意好
已知消息曉來歸

送人歸浦城

閩山歌笑與誰期
便破霜風拂袖歸
何日却來金闕下
高吟相引到精微

浦城道中

湛碧隨人山澗水
清香迎我稻花風
也知吟者多幽趣
物態偏能與意同

登汴堤

楊花榆莢衛行人十里遙堤一色春多為利名憐此景
未能憐得自由身

舟次清口

海岱東西六轉春投閒休說去思人此方緣盡回頭處
別有仙源可出塵

清口潮來似接人放船聞在楚江濱茂林高下閒行處
却到吳山入夢新

覽杜牧洛陽重見故事

別來重見最傷神
能問朋遊故與新
豈謂紫元翁有語
悲歡今已是唐人

桃臉韶容柳絮身
江南西洛豈由人
可憐杜牧空傷感
尚在朋遊已喪真

醉經堂

樂非聲色在華堂
靜味羣經得醉鄉
不似蠹書魚不醒
源流何處意茫茫

浴靈芝院訪照律師

領袖桑門水鑑中杖藜人御石橋風雖然垢淨無尋處
謾濯遊塵一點紅

由律知空律可忘不空空處已承當花飛水湧隨緣事
且與人間作道場

山間風定水天深閒望誰陪講後吟篙子船來應有語
幾回明月去相尋

桐廬縣仙人洞十題

并記

予得此洞十餘載釋老之徒遊寓甚衆多苦其寂寥而去崇寧己酉天台惠文來卜以居文所賦清苦而能化桐廬人為之感相詔以資之洞於是乎興大觀己丑春予自洞霄南還道出密巖之下文請為洞中遊因與予言頃有卜者為文占云當有顯官至此度兩弟子由此遂為名刹今已度弟子公復來乃其兆乎予與文言頃有異人道予自紫元洞遊人間世于橋之西為予作紫玄庵他日於

此棲養以度生文喜不日而庵成來求予文予嘗
顧洞中物皆出天造非人力所能為若夫池以時
而盈虛鷄以時而去來蟾以時而鳴默出洞之龍
坐禪之僧應擊之鼓跨空之橋與物合真與天同
信皆非人力之所能為者有待乎人而後見于世
乃叙卜者之占異人之語作詩十絕以貽惠文大
觀庚寅正月望日紫玄翁記

石龍

欲離巖洞欲拏雲造化難窺幻與真木馬嘶風尤會道

况緣天作更通神

此龍有騰踏去洞之勢若顧已入洞者

去卧仙源懶未安未收鱗鬣半身寒何如却赴雷雲會

休作遊人一笑看

此龍首已入洞中惟露半體

石橋

跨越虛中亦自然幾千年度地行仙桃花流水春風好
由此東西是洞天

巨蟾

紫元名在廣寒宮但恐銀蟾與此同探得石龍行雨信
一聲先報紫元翁

石鼓

誰知頑物抱真空自有聲音與革同到此學人還會否
橋西來問紫元翁

碧雞

翠碧笙簧羽與聲有時離合不留情清多本是仙家物
長向秋風獨自鳴

雌者立春始至會其雄得子立夏與之偕去惟雄獨留洞中春復然

青栗

枝葉凌雲綠蓋寒乳藤因得到雲端仙家手植無人會
誰信靈根石上盤

旁洞

欲尋真去不容身流水潺潺未見人雲旆莫知來或往

門前誰為掃纖塵

僧嘗以灰擁洞前小徑明日復潔淨如掃

天池

千古巖腰一鑑泉雲霄何處問金仙盈虛更共潮來去

混沌中含地與天

石佛

地湧天鑄一化身是何年歲定中人有無禪語難為問
到了機忘始絕塵

兀若看經不記時洞天雖近已忘歸誰知心印窺元海
且看雲霞體上衣

密巖

想曾潛養望真空散在人間一念同須說密巖居第一

解移神用相圓通

演山集卷十

欽定四庫全書

演山集卷十一

宋 黃裳 撰

絕句

泛舟錢塘西湖

五首

去留南北須看景聚散朝昏莫問時
但取紫元翁興盡
一身明月是歸期

歸鷺悠悠一帶長
白蘋紅蓼是家鄉
夕陽臨水閒窺處
此意安知世累忙

望湖樓上與雲齊
下視銀河一道低
好是水邊歌舞後
綺羅人在畫欄時

淡出波間千顆軟
蟹從秋後雨螯肥
且呼玉友來相伴
等候蟾光與夕暉

俄起谷風斜撼竹
驟來時雨碎敲蓬
回首已見煙雲合
點檢天邊失數峯

舟次松江

舟中月色曉尤在
江上客情秋更多
昔去今來塵擾擾

幾時清為季鷹過

西興山院

山寺閒來一飯休
風雲相送有潮頭
月明中看紅蓮市
已在東南第一州

漁者

四首

古來天隱有秦漁
莫忽煙波一艇孤
舒網卷綸聊寄跡
解將疵患笑真儒

出艤波心宿傍蘆
不愁王事有追胥
一蓑雨雪歸來急

靜聽蓬聲有酒無

一葉輕舫住處清
荻灣鷗渚幾曾榮
旁人莫笑魚吞餌
此為生如爾為生

水雲生計有誰拘
煙雨蟾光已自娛
得喪與魚同所遇
垂綸何似且施罟

藏春峽

一元長抱百花根
峽裏看春野思存
只恐藏春藏不得
却隨風雨過南園

容照巖

慎獨幽人坐處深
陽精陰魄許相尋
也知自有天光在
謾借餘輝照我吟

茶苑

二首

莫道雨井非北苑
須知山脉是東溪
旋燒石鼎供吟笑
容照巖中日未西

想見春來嗽動山
雨前收得幾籃還
斧斤不落幽人手
且喜家園禁已閒

冬後四首

萬物歸來有却無不知誰與計榮枯
雪天梅信何時得
寂寞中開一畫圖

令向冬行造歲功曉來天篆已排空
急催雪意藏蕭索
只望瓊林一夜風

曉霜初甃瑤池薄晚稻新炊玉粒香
向我歲寒惟有菊
葛巾時為醺醅忙

方醞新寒晦又明歲華無幾壯心驚
吹斜鴈字霜風勁

忽送行人一兩聲

建溪舟行

兩岸青山倒影濃
一江秋色雨山中
扁舟不怯泝流水
天意借人帆上風

清陰堂

三首

仙洞氣寒龍送雨
瑞蓮香冷水生風
煩襟銷盡梯雲去
見遠樓前色入空

堂之旁有龍壇青煙洞前有方池見遠樓跨于其上

方沼涵天雲淡淡
長林篩日地深深
九仙山照青煙洞

先向堂前洗此心

龍含雨意簷前過日轉花光席上來
小徑深深塵不到一樽多為逸人開

江上對月

無處月清如水國有誰心滿似孤輪
幽期終在綠巖畔長願寒光隨我身

雙梧堂

好音長引鳳來棲對立薰風可愛時
葉上雨聲枝上月

何須焦尾始相知

次致政李大夫郊步之韻 二首

垂髫孫子侍閒行只此閒中度此生偏是杜鵑能愜意
不如歸去兩三聲

偶欲閒行儘日斜虎頭幽徑二龍沙花無欄檻人無累

自在人看自在花

大夫有說
野花之什

江上

鷺從何處起來遲點破青山一字飛更好小舟蓬下聽

過雲斜日未須歸

貽傳神 二首

默默紫元像蕭蕭青竹軒相看誰有道無問亦無言
筆頭何處得天真幻化身中氣與神傳取本來空是色
莫將心印向他人

題仁壽閣

百年塵外境萬慮靜中身終日無他事寒泉照隱人

夏日牕下

蝸虎窺蠅恨未烹看書人悄紙窓鳴一絲喜子天機靜
任便薰風寄此生

過嚴州同太守遊烏龍寺

四首

參天松徑夾籃輿僧在烏龍腹內居莫道此山無妙用
但看雲雨見真如

家近西湖去欲飛到山心却為山遲看禪弟子人休問
正是龕中作夢時

脚力猶能上翠微青娥扶我謾勞伊也知山共文章好

競破朱顏乞小詩

北山還掃笑歌地
南浦尚懷離別時
到處此緣尤未斷
洞天休怪我來遲

寄懶散子

三首

此生知了夢初殘
行客遊塵入道觀
興去謾窮山一徑
睡來纔起日三竿

非真非妄愜誰看
萬物輪中歲自寒
玉液淨生仙況味
天香清惹道衣冠

綠髮紛紛滿道冠
高風吹我一襟寒
看山想有雲臺集
得句應勝得好官

自萬松嶺之龍山 二首

萬松雖落斧斤手
一徑尚邀行路人
嶺是松非休更問
逍遙巾下已離塵

駸駸車蓋與雲參
控景金漿尚未酣
穿過竹林何處樂
龍山前有集虛庵

還鄉有感

竹馬兒童已失真且尋春色莫尋人溪山不似當時見
只為交遊半是塵

戲寄南華翁

三首

南華翁也為官忙能用牛刀亦是莊歸去來兮歸未得
一山風月委寒堂

山陰劉子無清策彭澤陶公有逸才種秫劍溪休更問
俸錢須買菊花栽

延平官無圭田酒醇而賤百錢可以取醉

始聞佳耦得韓娘

用楊於陵故事子山為簿再娶

百里恩深綬與章月

欲籠人籠未得先生猶治魯山忙

用元德秀故事昔為子山作風月堂記云

或籠吾醉魄而卧焉

題止止堂

萬緣忘外息百福靜中收莫作南柯夢浮榮一覺休

妙光堂

二首

泰定中含一黍靈千江明月萬枝燈自談禪處無人會
安用山僧纏葛藤

一體全時萬象生只緣虛靜到圓明陰陽了取歸根旨

但看蟾光與日精

謝惠香餅 二首

清分馥馥南州餅靜對綿綿北海雲
欲曉博山來入被祥雲尤愜夢回聞

朱餅青烟篆古文聊資清致聚還分
縱饒五出花殘後尤有餘香聳未聞

和靖山居

高吟人去幾年餘今日孤山始是孤
疎影暗香雖更在

應隨閒物落平蕪

將遊苕溪先寄同志

長愛苕溪乍入秋
有時東去與君遊
詩牋酒盞遊何處
十里荷花一葉舟

遊吳有作

五首

想見湖山只欲飛
急逃緣累拯衰遲
無心雲伴無心客
杖屨相從更許誰

舟人曾記得吳儂
煮粒烹鮮別有功
好是閒為江上客

隨船還見賣魚翁

拏舟曾過芰荷鄉
十里薰風一水長
趁取秋時尋舊賞
且留三日卧清香

俸入未辭聊助道
客來多避為忘機
一帆風起鱸魚興
到是秋時恰正肥

且刺扁舟入芰荷
香風中聽採蓮歌
秋來最好樽前物
霜滿江天蟹二螯

次張太保杜門自樂之韻

杜門無事日華長應是在歌入醉鄉聞得後園尤好景
不妨多計為春忙

送張信道

氣欲和柔性欲圓一飛人看後三年心勝山靜君歸去
先自南華入性天

途中重九

兩年書劍客江淮空見黃花滿地開幽趣不慙陶令會
東籬當有白衣來

乞茶

未終七椀似盧仝解跨駸駸兩腋風北苑鎗旗應滿篋
可能為惠向詩翁

飲意

客塵來去路悠悠眼外空花水上漚一斗酒中藏混沌
榮枯誰更問春秋

歸鷺

夕陽歸去荻花鄉橫點山腰一帶長于下于飛雖可賦

也窺淺水為生忙

貽如祖大師

四首

既已離家與世違紛紛人事不須知
百年十二時光景作佛工夫只怕遲

說禪談佛未曾修幻化空身豈自由
常視世情如鎖鑰雲山深處莫回頭

建立元無塵已揮兩邊終竟不曾為
莫言無物為何事到了無為尚未知

一念忘時便道空不知空與色常同須知空色無分別

如此圓融始大通

此詩尤資說話如何建立既已建立如何掃蕩掃蕩可也不掃可也然後

至焉

還鄉道中聞杜鵑

纔次鄉關得此禽五更啼處九春深誰知枕上情無限
物是人非古到今

演山集卷十一

欽定四庫全書

演山集卷十二

宋 黃裳 撰

絕句

萬竹軒 八首

出遊休問我西東去去惟尋萬竹翁
幽趣翠華相得處忽逢明月與清風

森森高節勁深深綠髮青衫萬士林
應是主人看不足就中誰解作龍吟

鳳翅凌雲翠欲寒
蕭蕭蒼玉佩珊珊
中虛自有長生道
一枝為龍未是難

八十詩翁想出塵
此君長與駐青春
金華瑣碎閒垂地
安用侯封況渭濱

雪霜勢去舊容在
風雨聲來新思生
須信此君清且貴
一竿猶可釣高名

翠光幽意欲生烟
幾種龍孫幾度傳
忽怪春衣青旅旅
吟看不足是嬋娟

一日無君似染塵得君風思出天真七賢林下誰堪友
到此相尋少有人

陰遙俄喜日華落靜久更宜山鳥鳴榮謝易為花厚薄
歲寒還得歲寒情

鼓角樓初成

二首

崢嶸南揖展旗山旗鼓相臨縹緲間雷動滿城春不去
龍吟今日劍須還

雲中人作四星看十二光陰一箭寒吉事有祥戎事靜

溪山羸得倚欄干

鼓角樓昔為火所廢遂寓鼓角于郡之西樓羣盜不息術者以為向背所

致及其起廢鼓角未復冠平民安故有是句

荔子二首

須知陳紫入吟看能坐詩人碧玉盤六月香肌無點汗

絳紗囊破水精寒

陳紫底平可坐皮與肉離不相牽制此所以為佳品

絳包玉液踰中夏黛染羅帷度北風艷異尤爭西子笑

曉來親見狀元紅

送周奉議吳江

三首

下枕煙波令尹家年豐閒坐兩時衙為君東去還成夢

猶記撐篷看月華

昔年秋晚舟次吳江詩云船中月色曉猶在江上客情秋更多故有是句

雙艫銜尾去如飛秋滿松江到未遲自與李膺歸興別
鱸魚盃酒在平時

一官方解浚橋南欲試絃歌豈為貪使得洞庭山下去
公餘誰共擘霜柑

戲贈席上侍人

遮藏不得髻邊霜空憶揚州一覺長不學牧之狂可笑

紫雲宜贈紫微郎

暑中 二首

幽懷無處對秋陰
數疊雲峯壓翠岑
安得水邊開一閣
蓮花風信滿衣襟

炎空方喜雨初過
閒坐又憐風乍來
偶得瑞蓮傳好信
清思應到雪天梅

松軒對雨有感

田無數畝難回首
士少高風易折腰
古往人非秋自老

松軒吟對雨瀟瀟

湖上聞賦

五首

誰家絃管度前汀宛似湘江昔有靈一曲未終船已遠
白雲空點數峯青

烟雨為容似帶愁愁中猶解寫人憂數峯出沒如何畫
寺在波心且艤舟

想緣仙劃與神刊有是湖光有是山一處一遊都幾日
也應偷盡九春閒

源出靈山分外青，若從葛鵠更須靈。
誰知天樂逢真景，難向人間作畫屏。

篩雨龍山淡淡烟，水簾遙在數峯前。
問言居士庵何處，為指中洲有陸蓮。

徐通直守連州

二首

回頭猶見折腰時，纔到朝班便得麾。

公以知縣資序權州

誰合相

從公外樂玉鱗，新出使君池。

州有魚池利歸太守

得官榮與故鄉看，初佩魚符日下還。
內相遠，孫真太守

海南佳郡是連山

遊靈芝僧房

三首

千頃煙波一畝池
柳堤收得小漣漪
誰家堤外尋幽去
漸漸歌聲入渺瀰

小徑悠悠接水天
薰風誰對遠師蓮
吟看尤為湖山好
未肯忘懷便入禪

翠欄清淺柳如帷
惟外煙光遠可窺
夜榻晚牕誰是伴
暑風秋月最相宜

贈致政李大夫 四首

父子辭榮海上還，二車皆是漢郎官。
夜來列宿尤光彩，

為向溪南隱處看。

公及其先皆以正郎通判長樂致仕，即郡之溪南為清退樓，閒居于其上。

銀魚慵佩入樊籠，萬累相捐萬慮空。
逼歲歸來何事晚，

荔枝牽率過薰風。

公語長樂太守當食荔枝，即為歸來之計，果踐其言。

演仙山足退來榮，更繼高風適此生。
一葉輕舟逢上雨，

三江歌枕有誰行。

公之先大夫自長樂致政，祖席之上，郡守張伯玉曰：公之歸也，何適？曰：煙

雨滿江，吾泛一葉歌枕于其中，閒聽雨聲，漁唱吾之適也。張公喜其言，起舞為公壽。

世情相失道情濃
語默行藏信意中
清退樓前溪一曲
剡川明月剡川風

菊花

四首

香色相生靜入觀
化工誰怕剪金難
秋光欲盡花尤好
都作時情九日看

紅塵事事有興廢
黃菊年年無古今
意靜氣清時候好
醉歸明日更相尋

手把黃花為惜香
況逢真率未嘗忙
神仙多是無心得

可向桃源作醉鄉

葛巾尤有醺醺濃
豈是隄防落帽風
我未醉時君莫去
且來閑坐菊叢中

平山堂

一隅不見古揚州
惟有平山尚自留
且看江南山色好

莫緣花月起閑愁

揚州自古城有四隅今存其一李氏詞云春花秋月何時了往事知多少

水涵羣影去悠悠
樓有三千轉首休
想見經遊人與物

而今知我夢揚州

予六經遊且四十載人物是非衆矣故云

谷林亭

竹也中虛谷也虛兩虛相得閑中無月來風動時尤好
那更高人也自如

蜀井

傳此井自
嚴君平顯

地行仙迹世難知極數高人出數時隱顯自通淮與蜀
興亡誰管晉兼隋

仙家洞府天下與蜀
通者青徐自有兩處

送公濟朝議守長樂

五首

翁子歸來第八人越王家國再逢春悠悠千騎溪南路

今日榮誇到劍津

侯王權勢腰三印省寺光陰夢七秋龍虎有人猶掃跡

政風行聽海邊謳

林公曾治龍
虎山人偽印

三山勝槩烟雲外萬戶清酤鼓樂中待看使君遊及處
始誇瀕海有天宮

兩街香案使君來萬瓦青烟洞府開勿剪緣榕陰盡處
七門南直釣龍臺

海渚信來魚市白林梢光動酒帘青鰲頭須學成都守

莫對三山我獨醒

還鄉簡清臣潛夫 三首

別來交友問如何松已成林屈指多且喜斷金人尚健

一能清爽一平和

清臣平和
潛夫清爽

夢中常作水南遊山北煙霞物外秋好是老僧今在否
我來還上望仙樓

乘興拏舟過水南問禪閒試野僧參望中皆是棲真處
山有雲峯劍有潭

送劉教授之官豫江

二首

守官何處豫江邊
職事無塵我慨然
一樣清虛誰畫得
倚欄人靜水中天

草草揮毫已可傳
昔年場屋合爭先
何時寄我南來信
閣外溪山有幾聯

春日有感

桃李嬌春總不知
風情惟與道相宜
堂前楊柳青絲軟
吟看無人獨自垂

看山亭

二首

雨洗煙籠十數峯
兩亭相望兩山中
北來吟了南來醉
花木迎人一徑通

兩邊紅綠路深深
疊怪堆奇出翠岑
莫道非真窺得破
能侵天巧似無心

訪照律師因浴靈芝

二首

領袖桑門水鑑中
杖藜人御石橋風
雖然垢淨無尋處
漫濯游塵一點紅

山間風水洞天深閒望誰陪講後吟篙子船來應有語
幾回明月去相尋

和蔣樞密送侍者歸

謾來非為利名場隨侍還尋野徑香靜極恐生天上夢
不妨吟入帝雲鄉

有客對酌

花間人面是誰家何似才華對物華百五時應來合醉
三千賓客不須誇

西歸亭

衣法傳來幾度春
少林堂上悄無聞
兩忘養就空兼色
獨步西歸一片雲

歐冶池

人隨夢電幾回見
劍逐雲雷何處尋
惟有越山池尚在
夜來明月古猶今

送陳季甫

閒於孤鶴淡於秋
縱落忙中亦自由
受道已知君有質

感入深處急回頭

送鄧元孚

三首

京塵隨暑遠洛水得秋多
爽氣乘歸興孤舟看一梭
左選官期遠南歸客路長
覲親時正好黃菊百年觴
識先游刃易命晚折腰勞
華省當年夢行看置此曹

雪中聞友人圍碁

瑞雪天時醉怨遲
笑君碁局雪中圍
軒花汗漫豐年事
不是嫌春故故飛

友人見問久不作詩

幽情寄態動風騷大巧如春未奈何莫怪近來詩句少
只嫌吟後客情多

寄李潛夫

去去仙舟住處閒吳王臺下虎邱山日邊孤客遙相憶
聚散空悲夢往還

偶感

泡影浮生夢幻身十年南北寄紅塵窮通有命歸與好

風月相期滿劍津

流溝山

清見林泉意已開
知音曾有魏王來
兩忘更得棲神地
不染人間一點埃

舟行感舊

曾向蘭陵起一舟
湖山佳處有朋遊
歌聲月下俄相失
秦與瀟湘各自愁

次友人月夜樓上之韻

滿樓清景瀉斯干肝膽初醒世慮閒誰見謫仙歌興舞
但留詩句落雲間

泛南湖

二首

菑菑香中畫舫輕新紅相照亦多情似迎學士來歸院
花燭前頭朶朶明

雨過圓荷萬點星雲開銀漢眼前明難逢此景休歸去
更待天西片月生

友人垂釣

壯後幽情轉更長
塵勞空憶芰荷鄉
自由池上垂綸客
應是回頭笑我忙

偶成四絕書寄子堅道契


皆有前緣志自通
大雲山下偶相逢
春來拏得龍雙角
走下崑崙第一峯

相見參來道已通
五城曾折紫芝封
自從龍虎歸根後
花簇雲攢白玉峯

袖中自有青龍劍
世上誰無白虎經
秘訣未嘗留一字

不勞終日誦黃庭

塵中自適能無我方外相知喜有君
靜看古今搔首處
五湖風月萬山雲



演山集卷十二

欽定四庫全書

集部

演山集卷十三至
六

詳校官庶吉士臣吳烜

侍讀臣孫球覆勘

覆校官中書臣王慶長

校對官主簿臣汪日贊

謄錄監生臣張鴻仁

欽定四庫全書

演山集卷十三

宋 黃裳 撰

記

遊山院記

山水外物之可樂者爾非真樂也真樂之所寓而已仁者樂山知者樂水亦以真樂之所寓歟治平戊申之仲夏赴詔西上踰絕嶺涉巨江度炎暑履素秋凡四十日矣而後次於雪川之逆旅弛擔宴坐自感其塵勞未有

慰焉及其環顧山水間有髣髴南國者默然坐中意思
南嚮已歷舊隱無復塵勞之歎而亦不知其身之所逆
旅也於是援筆而書之延平居民枕寒泉倚青嶂真山
水之國有浮圖氏之宇尤寓山水之勝處清景爽氣逼
人眉睫間與才思爭無窮遇目之所得即當走筆賦之
且恐勝概相奪出人不意而又忘去也當予清閒無事
偶然獨往則簪冠曳履策枯筇道幽徑與書偕焉風搖
松陰人踐寒影異花靈草幽香相迎日含噴泉紅玉散

亂此人所由之徑也兩山相臨怪石欲活仰則翠岑俯則幽澗神剏仙劃為之幽構此人所憩之亭也山角轉來風物相際猿鶴上下煙雲聚散飛甍華櫺轟然寘彼此浮屠氏之宇也宇之中又為遊者之觀美凡有七焉長澗自山之西趨寺而東流有釋為堂跨之及其入夜泉清而月明適然相得於堂下號水月堂予之遊是堂也秋勢瀉雲邊之泉金波泛天涯之月妙相有無搏之不得故為之歌云水渾而月喪水動而月漾澄寂虛一

中涵有微妙相水有風兮披人襟月有波兮浴人神兀
然坐者非爾翫其中有物爭光明是茲三者不期約會
諸廣莫都忘情澗自水月堂趨西廡有釋為閣跨其上
激澗之水其聲潺潺然環繞乎坐中號潺潺澗閣予之遊
是閣也遺世俗之喧譁即山泉之清冷是非去來不落
雙聽故為之歌云與其聽繁喧不如聽潺潺澗澗聒吾
耳不聒吾心淵世俗譁譁殊不聞只聞潺潺澗如車奔潺
湲如車奔我心都無緣閣之左臨澗為小軒俯視澗之

水澄寂如鑑分辨人顏色號鑑軒予之遊是軒也纖埃不能駐流光微瑕不能玷浩明於外照古貌於中照古心貌與水清心與水平故為之歌云至虛不可磨至柔不可折至精豈須練至一莫能別情忘非與物相絕萬象於中自生滅鑑乎鑑乎非徒明鑑之有道猶諸心梯閣而下實地十數尺為小室而治其前引澗之水實之號養真室予之遊是室也

闕

一聲素琴數曲恬然忘機自在絕境故為之

歌云塵勞妄想誰知非落着理沒皆人為養心養到不
化處亦令此室生光輝去潺湲閣升法堂堂之左有釋
為閣揖院之客山瞰流澗於坐間環佛書而觀之號精
進閣予之遊是閣也目閑而山色見心虛而古意明出
妄想境中入清靜覺海故為之歌云道固不違物物常
與道違道非近能得亦非遠能離精爾思兮捐爾思其
中有物不可圍由堂而西有室倚山為小軒軒之前為
方沼沼之濱植脩竹三四莖凭軒而視翠峯寒泉茂林

碧草皆在其左右號凝碧軒予之遊是軒也春暉秋光
漫然融成日頽竹陰落在方沼琉璃瓶中青玉倒植故
為之歌云凝碧以自然尤籟成之天碧色非漬黛籟聲
非鳴絃此心寓此聲色中雖有大巧無由傳去凝碧下
齋堂堂之左有釋西向曠野為亭據其要物象清遠一
覽而盡之號豁然亭予之遊是亭也希夷之鄉曠閒之
郊逸思浩而往塵緒斬而絕故為之歌云吾登豁然軒
吾開豁然懷水猶其心圓曲直隨因緣雲猶其心閒聚

散無悲歡塵懷俗慮難追攀是山之勝也勝者雖不能
自暇及其戾止亦皆有間意以至於息機而後去然而
予之遊與來者之樂異焉來者為其景而用其樂而予
能用其景以寓其樂者也世俗之遊相與譏談調娛醉
酣舞歌吹彈叫呼而後得其樂亦已勞矣其樂不在道
特樂其有山水而已山水之可樂者盡而寂寥之態生
則其樂荒矣故雖吹彈調詠醉酣舞歌不足以繼其樂
彼尚知吾樂中之旨哉廼書其樂之情以示之

懷遠亭記

延平郡督郵即其公宇之北山南向天際送目而往相
去之遠不可以勝計然而元用之所懷不在乎物惟其
親焉愚衆之情登高望遠耳目之君不足以勝其私有
對而遂變傷則迫愜則肆豈足議哉予過元用相與倚
欄送目談笑以自適且謂元用曰子見荻溪之上漁舟
一輩忽來適去歌聲遠邇不知人非世習之累相係者
乎此使人放曠之心生子見寒潭之中雷電相薄寶氣

亭亭上下星斗不知深淵巨濤之相淪亡者乎此使人
發用之心生風清月明萬籟初息水涵太虛寂然天地
之鑑則使人入清虛之境夕陽半山芳草不斷雙槳南
飛悠悠寒浦則使人動離別之緒水鑑之濱鷺窺寒影
過山之雲行無所逐則使人起幽閒之趣夫能徇物之
態以入清虛之境起幽閒之趣生放曠之情存發用之
志不為狂歌逸遊之輩放心而不知求亦不失為賢者
況能有志於親哉夫善本於仁仁本於親苟能有志於

仁之所本者何往而不善然而憑高環顧雖有溪山之勝人情之所適者不足為子道也慕親之志寓此而有發焉魏國之士思念其親蛄屺之上想見父母之所懷詩人稱其孝雖然疾痛則呼父母而有富貴少艾則忘其親衆人之情也魏國之士當夫行役之勞夙夜無寐父子離散不得以相保則疾痛之時蛄屺之上想見父母之懷豈足以為至哉今夫元用之學仕於有道之世父為達官子能以六計嗣其業不貽其親之憂心平而

志舒當此之時遇耳目之適者且能復禮以懷其親不
俟有迫而後至是可尚也狄仁傑登太行山南望孤飛
之雲感吾親舍其下惟其愛親也篤則其事君也忠及
人也恕是故唐之基緒不斷如線仁傑果能蒙恥奮忠
安其神器恤刑愛人號為長者然則瞻望其親之際則
仁之類存焉是亦充之而已予之望子也豈止於父子
之間哉

觀盡軒記

予一日過完師坐於會景亭上前望演山山旁視劍潭人愛延平最有山水之樂而演仙山劍潭又其山水之可愛者氣象聲色食頃萬變予登完師之亭而盡得之因與完師言德之大累嘗在對物而有感今又據景之會而翫之非在萬物之上以物相觀而已覩有不盡者物能引之未知聲色形象之為夢幻也則予畏會景之累人深矣無涯之知不可勝計之景客塵之中適然而相感則或淒然以悲欣然以喜清閒之景解人之煩滌

人之污華美之景坎然者貪飄然者肆無窮之態出人
不意而乘之不可以言勝也嗚呼朝聞道夕死可矣其
見隨塵熄而心化有涯之生可不計哉以故君子之為
道也不見可欲使心不亂君子之為善也不見不可欲
使心不喪滌人之污解人之煩此景之可欲者尚為道
所忌而况幽情竒態之感人使之或笑以嘖或貪以肆
何可翫哉我與景俱非真物以物之態為我之情俱非
真智因與完師言濁污者見形其知莫貴者物也清靜

者見性其知莫貴者道也人之性常無者體道富有者
體物衆凡之流嘗蔽於形色而莫之悟予甚悲之師能
即亭之西更為悟真室嘗遊乎其間然則完師非溺於
景者歟使登斯亭者知世態物情猶蚊蚋之過吾前也
然棄我與景為吾悟真室遊而求真焉靜也不勞其形
以至乎形全清也不搖其精以至乎精復形全精復與
天為一是故妙有其形而不為貌象故為貌象者之所
不能對常無其氣而不為聲色故為聲色者之所不能

感老子所謂不亡莊子所謂不化釋氏所謂不滅儒氏所謂不動當是時也萬物為吾逆旅矣而衆人為萬物逆旅衆人為萬物一偏矣而萬物為吾一偏由是而登軒下與萬物相見可以觀盡矣予愛完師為悟真室之意而又慮其不學出室以道事也遂以觀盡命軒焉若夫烟雲聚散山在有無之間水涵晴光舟泛銀河之上桂華風動天香滿懷飛覺參差歌管斷續此翫物者醉酣歌舞馳情驅思而對之志滿意適以為得求者也物

態少移世情已變當是時也吾寄萬物之上而觀之與之遊可也不與之遊可也

秀橘記

時甫家園之右有秀橘焉一本而三支旁二支密葉散漫無足異者中一支尋常之葉不能多得之柔條下垂其葉秀嫩深綠而環就如析翠羽而注之有碧幢青纓之狀不怯歲寒新故相代更無衰落之態為詩而美之者連韻盈軸不過比物引類狀出秀橘之形象而已時

甫屢命予詩諾之久矣始得數聯興罷而復已元豐三年之季春時甫復寫橘圖走僕以惠我索詩之意益篤不可辭也無事乎詩輒為時甫論其生理以記之嘗謂五行之氣運行萬物字中有偏有全或清或濁無意乎造物也而物各有遇焉氣之清且全者在人得之則為豪英在物得之則為新奇雖然不可齊也亦不可以必得適然而已故雖同氣而育並時以生者其形與數有不同者况其他者乎夫一本而三支同氣而育並時以

生者也然而一支見寵或歌之以詩或繪之以圖或文之以記傳之天下後世不可知也主人時復一往苦吟注視培溉相繼惟恐其或傷之也二支不能有所得然而天理之於物豈有意哉園中之木與秀橘踈遠者可以無憾焉吾與時甫遊久矣知其才富而氣豪發為詞章使人喜觀而欲得之然而君之所得與夫秀橘之所寓一家而兼有之何其幸也君知秀橘之可愛培溉繼往注視環顧惟恐其或傷之也然而予之望君也更有

甚焉

水雲村記

長澗自演峯道廣教院出田坑始有從父得之於西南山之麓取其一支停之以為沼走之以為渠廚引之以酌橋跨之以渡異花奇果垂華倚實飄香墮影在泉之上下有雲於山朝濟而暮合閒適之態明白之象與夫流泉相應以無為相遇而不約俄然相得於東西杳然相忘於得喪其孰為此者邪元豐之初予自京師南還

省予從父流水之間俯仰行坐顧瞻燕笑及夫日落而禽還山瞑而雲收援毫於壁間乃以水雲村名之而後去自是郡人始知有水雲村之可樂也尋春避暑車蓋相屬越十有五年友人公實來京師與予道曰今為水雲村主人矣僕將益治之養生於其間予曰子之得水雲村固可樂也其亦知水雲村之得子乎公實之為人苟可而止不為生而勞不為名而偽遇吟而忙得酒而休方東而俄西未始有適莫要其中夷曠而惠直是真

水雲翁者也君歸乎哉子後此十年當有草堂於演峯
有釣舟於劍潭南歸而誰從者乎是時水雲翁杖藜而
相尋演山居士肩壘而忽往與是兩物相得於無情中
有舞有歌有吟有謔妙思絕景不可得而究也會歸乎
至無予之樂也不知水雲翁之樂亦出於此乎然則水
雲之於我果有分哉故為之記以公實他日相從出此
以為質焉請鑒諸石

演山集卷十三

欽定四庫全書

演山集卷十四

宋 黃裳 撰

記

鄂州白雲閣記

自洞庭納湘峽逕武昌會漢沔然後沿九江而下東南
之旅度翼星之分趨荊州之域必沂江夏泛洞庭而後
南走二廣西向三蜀然則南郡之有武昌山水之聚舟
車之會者也夫逸民之所寓士大夫之所遊騷人墨客

之所詠常在天下山水之佳處餘言遺跡相去幾千百載後人樂道而欽慕之往往遂借以名物故江謂之烟波亭謂之奇章洲謂之鸚鵡樓謂之黃鶴閣謂之白雲樓閣之賞當與豫章之滕王已陵之岳陽爭名於天下有山自郡郊之東趨過闌闔茂林修竹衣被形勢如青蛟蒼龍然引領而西或伏或躍下飲于江漢中峙而四望者白雲閣也對揖公宇轉望仙棗石照所謂大別鳳凰烟波鸚鵡西城南浦黃鵠磯漢陽渡之類可坐而數

也薰葭遠岸風勢雨聲湘漢涵空夕陽夜月歸帆行棹
漁歌樵唱與夫忘機之鷗隨陽之鴈往來聚散於其間
四時之氣象一日之變態泛應旁感逸民雅士之風味
吟送宴別曉泊晚次道志懷古以寫憂悲喜樂之情以
述興亡榮辱之故蓋自離騷而後唐人之作不知其幾
百篇也大夫之行吟處士之坐賦老子之乘秋高人之
馭鶴樂天之聞歌太白之聽笛緬想環顧俯仰千載悲
樂相繼公餘之賞不亦至乎方是之時苟非有道在上

得賢太守與之共理常使時和年豐郡國無事亦安能有暇於山水之間哉有暇於其間者其風味志趣或俗而不逮或鄙而不樂雖有美景盛事亦遂寂寥沉沒不見於後世有足惜者異時魏晉之師下吞吳楚盤瓠之類竊發于山水炬筏橫流烟蒙雲海所謂鸚鵡南浦鳳凰大別之類遂為水軍樓艦之所息山夷營壘之所寄誰復講求逸民之遺事雅士之詩句以為公餘耳目之翫哉方今聖人以道統有天下無復魏晉之師下吞吳

楚之憂公悅素用吏事知名於人當能寬而有制布揚
天子之德澤潛召和氣年豐而盜熄無復山夷竊發之
患然則君亦何所用其心哉此閣之作也將與賓朋覽
浩蕩之景養幽閒之趣想見高人度世絕塵之事庶幾
悟須臾之景省因循之過不為污濁偽妄至老且死時
與無心之雲悠然而來飄然而去去無所逐來無所從
朝濟而暮合若將為我擁黃鶴乘清風脫萬累而超六
合也豈特在人耳目翫山水間者邪元祐癸酉仲夏記

潛軒記

予去年為順興遊故人公鎮家在順興之南隅乘間訪之公鎮邀予坐於潛軒之上觀修竹折幽花看閩中錄採杞菊決明而食之樽俎之間論古道舊譏詠大笑井邑之繁不能輒破其靜公鎮坐間索予潛軒之文予謂待言而後諭焉非相知之至者文可忘也故不及書今年春塵勞之中緬懷軒上之笑語恨無以寓其意者公鎮再追所索適此而書之夫魚之為物或生於陂池或

落於修澗或出於遥湖大澤永江廣漢之間或之於滄海其得地也異其遇時也同歲寒冰冽鱣魴鯉鯪遠遊下泳在淵而自適雖有九罟之深入莫能致之及其春行晴暄太和涵溶清淺方是之時乘陽而動去淵而在渚悠然而逝適然以躍溝為之依蘋為之覆得其所矣不獲乘陽而動者深淵之中不能自致河海盖有之矣鳥知適然以躍者頌首莘尾為漁者所伺或引之以綸或持之以竿或陷之以罟附遠以鱖嗜鮮以膾以脍則

見腴以鮑則見糗以醢則見析實於鬼神之邁登於賓客之俎魚方是時欲為下泳者豈可得哉然而浮游者未必為通潛泳者未必為窮學道之士無適莫也息則起消則去惟時而已公鎮少時求舉於鄉里卒不獲用晚節感悟乃能遠引而去水邊林下開軒自適有山林處士之態亦可書者名利之士老身長子尤有以行投保以名請封東方未明携食而入俯首而坐汗流浹背與少年較長短則君之潛亦高尚哉嗚呼公鎮之潛也

在道魚之潛在水一也若夫陂池江漢之辨非所知焉

看山亭記

郡宇之西北隅昔有小亭前假兩山對峙而中望不知其誰為之也頽壞且廢予至治事之三月役工以修之叢列有歸特立有巒聳起有嶠環合有嶧幾於自然皆出於造物者公餘乘興杖屨獨往有如春明秋靜雲開雨過之見武夷鴈蕩也客曰南有雲門西有堯山真者不覽何事乎假予曰子之見有真假耳有道存焉非真

非假由道以觀物假亦真也真亦假也則予之看山何異乎子必待雲門堯山而後得樂山之意非善觀物者也客曰愚得之矣請書以為之記

青州坊門記

青以兩城居民始為十六界以別居民之地分崇寧改元裳來為青顧吾屬言夫用十六界之別居民之地分其義安在哉蓋廢界設坊三十有六為之門名各有物庶乎其有義也迎春之類以辨坊名之也延賓之類以

遺事名之也文正之類以人才名之也自正之類以道
化名之也勝遊以之乎東湖興雲以向乎南山朝元以
趨乎天闕使之觀其名異則相識別思其居同則相親
愛此為坊門之意歟然而親愛之意非私淑一坊而已
先王屬民始用五家相保所任者寡則其所察者詳邪
惡之民不能輒容於其間陰亂良善然後聯其五家使
之相受乃為一門以同出入罔有相遺外者故其養生
可以同憂患喪死可以同哀戚推而用之合四門相受

之民共為相葬之禮同哀戚也有相親愛之意故稱族
焉合其門相葬之民共為相救之義同患難也有朋比
之風故稱黨焉義之與比者也相比者力也力貴衆以
四門為不足故合五族焉相調者財也財貴多以其門
為不足故合五黨焉其門維百其德維一咸有相保之
信相受之智相葬之禮相救之義相調之仁為善既備
復何所責乃合五百門之衆使之出入往來更為賓主
燦然有文以相接歡然有恩以相愛其稱鄉黨則吾我

加焉親愛之也嗚呼民之善其用至於愛人接物皆有
餘裕其政之本則在乎五家為比其五家為門而已六
鄉之法廢壞已久不可遽復惟爾三十六坊之民同出
於一州其考予言先王屬民之政推而用之遂至鄉有
正風民有中德比而信黨而公相詔而化可也何必令
使而後喻哉

崇寧萬壽觀記

佛老之學至於還元反本其道遂同而佛之徒謂之金

仙老子之徒謂之神仙金體而神用一也蓋惟神仙為
能長生不死故無生死而後至於不生不死長生不死
已能脫離五行非內非外不逐五行由一而散以哀樂
休戚為人生以治亂盛衰為世界以榮枯舒慘為時序
以老少美惡為物態而彼人生物態世界時叙吾能與
之修短與之盛衰與之舒慘與之老少泛應無方之求
未始窮盡此世之人所以嚴其所寓以備旦暮奉事祈
請者也大雲門神仙之窟宅十月十五日以奉崇寧寺

詔繼詔為觀復有擇用名山福地之旨寺既如詔而臣更涉雲門之背由歸道峴下得山號大福大雲門之南支也前案廣山郡人謂之廣福中立而望四向環抱猶大雲門然莫知其所自出有三賢堂海東僧塔八仙壇獼猴洞在其間皆古之遺跡然始由歸道峴而得之今為道觀之所寄則峴之名歸道乃其兆歟故臣輒叙佛老所以入而為已出而為世老者能與之少短者能與之修衰者能與之盛衰者能與之樂以明朝廷所以詔

為十方寺觀之意自時厥後為郡守者其率老子之徒以謹焚修共祈無疆之休以資天子萬壽豈可忘哉

東湖三樂堂記

自下車率吾屬明振統類要凡目數各任其職庶事益簡民用以靖樽俎之間始得光景為東園遊顧吾屬曰徒以心力從事曾無所樂夫是之謂陋此節儉之弊也其後流而為唐僖公有財而不能有用有鐘鼓不能以自樂徒以情慾徇物曾無所制夫是之謂蕩此平易之弊

也其後流而為齊哀公過則淫不及則怠慢是二人者
皆已自為物所繫矣欲其明德以為物是則難也有道
之學既辨內外遂致真一以真觀盡以一泛應兩辭五
聲並至而交感無所累焉其詩曰在公明明是也知統
則舉其類甚衆知要則馭其繁甚簡形快而心愉有所
寄焉其詩曰在公飲酒是也在公明明無乎不為之時
也在公飲酒無為之時也無乎不為以至於無為賢者
之有道也蓋惟有道故能有樂以為文故其詩曰鷺于

下鼓咽咽醉言舞于胥樂兮鷺于下賓之集也醉言舞
樂之致也于胥樂兮樂其在公明明而和樂生焉耳有
禮以為節故其詩曰鷺于飛鼓咽咽醉言歸于胥樂兮
鷺于飛賓之舉也醉言歸樂之致也于胥樂兮樂其在
公飲酒而中禮存焉耳有樂之和有禮之中協贊陰陽
化育萬物故其詩曰自今以始歲其有君子有穀貽孫
子于胥樂兮樂其中則能為其人民在後則能為其
孫子然則有馭蓋魯一變而至於道之詩也昔者太公

治齊雖用平易在己也近道在政也然而不患不能與
民同樂惟患其樂之過在太公則可不可輒施於其後
故其末流果有齊國之變風周公之澤遂為魯僖之頌
不亦異乎愚之為青當以行樂之過為非不及行樂為
愧竊希于魯焉顧吾屬曰山水仁智之所樂古之人與
民同樂有感而賦草或以芹藻禽或以鴛鴦蓋其所寓
多在山水之勝處或剗而為池或引而為湖草木掩映
亭臺環合魚相忘於淵獸自適於野禽翫空於飛蟲感

時而鳴俄聞偶覽頓釋滯思此古人之相其樂者歟蓋
惟君子能推仁智為民既事然後得引所樂以憩塵勞
以資談笑有道存焉耳今茲青郊以西兩山會入於郡
城若駿而奔若駐而盤若驕而躍洋之水道其中相為
數折趨東南隅回旋宛轉若有不欲去之意此固有所
待者邪昔之畦也宜宇而居之昔之池也宜湖而遊焉
崇寧元年之季冬道意以始事明年二月東湖告成土
石之所聚今為寥廓之界糞壤之所汙今為清冷之濱

荆棘之所託今為芬芳之澤入自西扉由垂楊徑界水而東之陟降兩橋東西相望會歸於北渡有橋曰步雲下趨醉歸亭去亭而升堂所謂三樂兩亭以翼之左曰湘江右曰水鑑於堂之後乘飛橋過芙蓉軒由芙蓉而東躡層堦訪禪林南有軒曰悟桃北有亭曰現月而觀蓮亭在其間皆瞰湖上下入桃溪于溪之南為漠庵去庵而南行前視鴛鴦渚有亭在半山間號綠巖亭由綠巖升其巔坐歌豐堂對揖現月由芙蓉而西憩雲門館

前視鴻鴈渚遊竹林齋南行登釣璜臺下由小歧中立而俯視左有亭曰翫鷗右有亭曰鷺下夫湖在兩山之間將欲致吾幽思以飾茲景未之盡也然而寓吾仁智之所樂凡十有五而三樂實主之故堂存乎其中蓋無三樂為之主雖環山有水皆亭臺也亦奚以為其樂未嘗不荒也未嘗無累也故遊斯堂者考予三樂之說則知東湖之所以作豈苟云乎宜鑒其說於石

演山集卷十四

欽定四庫全書

演山集卷十五

宋 黃裳 撰

記

順興學記

元豐改元之秋列郡各貢進士於朝南劍考諸五縣之士而進之十有八人順興學者百數無預貢者溫陵宋君適來為順興令因怪閩中之士每歲應詔出為天子器使最盛於四方南劍在閩之中累累有人焉順興南

劍之支邑前此有預計偕者不見錄於禮部七十年於此矣今歲更無預貢者是豈教育之道在上之人有所未至歟遂由縣學而觀之感其廉隅之卑度量之微環衛之弊具修之廢不足以壯麗先聖之行在吞納多士之至止升望降觀前揖後據不足以周覽溪山之氣象青衿不見往往散處里閭流入城闕之間誦數之學得以小說實其虛一如此者蓋久矣宋君由是慨然思欲宏其度量嚴其具修壯其廉隅固其環衛利其前揖後

據之勢然後招來多士而教之邂逅一鄉之所慕者十
有四人請為義倡願與鄉民出力易材廢舊而新之宋
君如其請學者欣然預叙於別館以俟學成而歸焉旁
郡餘邑隨有望風而至者不日學成為之八齋翼於兩
廡之間或背於堂或面於殿諸生接席而坐鼓篋而進
問者有應疑者有質由者有戶升者有堂入者有室望
者有門牆之峻樂之所寓前揖仁者之山下視知者之
水適其性命之情日就而月將之且見成人有德小子

有造居多古人之遺風不問其在外者一封之薦何足計哉蓋夫教學之道先王望其成材而取之必使學者無志於仕有如曾皙之詠而歸漆雕開之未能信者然後可以副吾取而用之之意是故先王之士得失有命動靜有理去就有儀處萬鍾之時如簞豆之日許國之身致君之術豈為宮室之美妻妾之奉所識窮乏者得我而為之遂易其志哉嘗謂僕隸之賤史胥之卑屠販之忤寇盜之類才勇藝術集事御變雖古之人有不及

者入之民間以治民事出之民上以長民德不亦可乎
先王必謹庠序之教養才育德俟其秀實然後論而官
之先王之意豈以史胥屠販之件僕隸寇盜之類其名
不貴而廢其可用者哉以謂不知仁者不可與從生不
知義者不可與從死不知禮者不可與交不知信者不
可與守驪山之徒胯下之布衣興造之初急難之際未
有素食之士先王不得已而用之譬之使鷹常飢其腸
則為之使飽之則叛去是故黥布韓信之徒素不學道

無窮之欲與之南面稱孤不足以饜之乃至叛逆夷族而後已然而後世之君當平居無事時不能養才育德而用之或有才德之士而莫之用府史之卑卒伾之賤寇盜之惡入為公卿出為將帥謂予用才而已不問其行甚可怪也昔衛宣之朝有不知德者好忮而不仁有不知行者好求而不義好忮也傷物好求也逐物人之可恃以用者為其愛物而物莫之勝耳不知德行自其求忮而推之不仁不義不可勝用也百爾君子亦奚以

為哉先王之世兵農一民鄉軍一營在朝所謂公卿大夫士在鄉所謂鄉老鄉大夫長正師胥在軍所謂軍將師帥長司馬昔時鄉教之中同為儒者而今同為天子之吏豈有異趣哉其賢以六德其能以六藝知禮樂者非特鐘鼓玉帛而已禮樂之妙至於行乎陰陽通乎鬼神彼之所及也知射御者非特主皮執轡而已射御之精至於升降之儀與其志通疾徐之節與其意會彼之所及也知書數者非特縱橫之畫會乘之算而已書數

之微至於道理之精粗象器之終始彼之所及也六藝道之下者其微猶及於此而況德行之學豈可憶哉是故古之為公者以道為卿者以德為大夫者以智為士者以志為軍將者其德有威其仁足以撫衆為戰士者其義有勇其智足以死難故古之官有至於三百六十者先王非恃其人之衆也恃其道德志智而已平王之東天下利勢不斷如線教育之澤在人之心猶有存者譬如立柔之物可屈而難折延及三十世而後已無道

之秦燒詩書殺學士不仁之勇無義之剛繁刑嚴誅以制天下所以傳及二世為朘隸之人一折而斷之詩書之力雖欲維持其亡不可得也然而先王所以建學養士之意何可廢哉宋君之來隆學校延儒生躬率一邑之子弟從事於道以副上意一邑之士宜乎為道而學他日入官如古賢士大夫以副宋君之意諸生從予遊予嘗以此諭之君命予文以記縣學所以作於是乎書

雙源記

縣廓之西南有山支為三峯下會於平坂兩腋之間泉甘而木茂修竹重蓮桃花流水隨人視聽之所及三山之前斷流為池凡五十丈葺中一峯為澄心堂於堂之背為濯纓軒去軒之西為日休亭引流而下左右方治峻宇畫閣置於北峯之麓俯大池對南山由澄心堂而趨雙源皆有小徑雙源之會望澄心堂為磯以釣焉相望之間仰有翠陰俯有清流風色動靜禽聲語默水涵太虛形影上下忘機之鱗一游一躍飛橋走階危欄曲

檻廡隅翼翼紅綠相照庚申之秋余來龍川因拜主人
之辱才華物象適然相值且歎塵勞之俗役百年之期
而致千歲之憂忘不可過之分而徇不可必之物以貪
作憂而不以理養心以憂作老而不以時受形心與形
化共還塵壤雖然我庾如坻黃金滿籬松雲水石之間
不能笑歌自若以慰勞生之夢幻者余嘗悲之君也不
然賓客至止捕魚於池摘果於林破穀於場趨雉於野
酒觥碁局為賓客歡漣漪之上盡日而後已分外之物

卷之五
莫能勞之亦足佳者故余樂為君記又為數詩於其後
庶幾役役之流得余之言而有感焉

步雲閣記

昔予讀書順興北山之麓南望一峯有若游龍之狀舉
首而回顧仲寬今置閣由閣而下視水天空濶橋虹橫
絕登臨之士身勢高遠如在雲漢間此命閣之意也以
致予文予方喜仲寬之為政有古循吏之風因述雲四
事為仲寬識之夫雲之為物輕清者之所乘閒適者之

所翫有德者之所況有物者之所望者也仲寬下車之三日屬其隣比之長且老者為飲酒禮佐坐堂上胥吏坐堂下長且老者環坐於兩廡酒三行令為之言曰來吾民夫草木之所萌禽獸之所育吾民無故忍掇而棄之乎曰掇而棄之遂傷其生是不仁也弗為也夫物之轉諸溝有用者可嗇有知者可悼吾民無故忍視而遂過乎曰必援而出之忍視而遂過是不仁也弗為也然則吾民之於他物然耳赤子吾民之遺體也分氣也物

之有情有識者也安得輒舉而溺之無所疑止也哉其
為不仁奚啻吾民之於草木之所萌禽獸之所有凡物
之轉諸溝者邪其民於是駭而悟嗟而悔齟然而改曰
吾屬之視吾子曾禽獸草木之不若也豈足以為人哉
其謹奉教於是著令曰孕者登籍產者給粟而民相與
言曰令之所活者吾類所釋者吾冤百世之愍一日而
解之德莫大乎此吾尚忍為不仁以傷吾令之化哉乃
相與歛知藏力聽令於大夫兩造在庭仲寬第為之辨

是非談禍福往往自訟而解相詔而罷一縣遂無事時
與賓客乘興而往徑畫橋登蒼崖期於步雲而止焉夫
仲寬之政不以智示人故其民無所事乎是非不以勢
屈人故其民無所事乎強弱勢智既忘中抱虛靜然則
閒適者之所翫有德者之所況君豈有愧乎雲哉其無
累乎心也雲之所在不以情而動不以力而舉其有為
乎政也雲之所往必為甘澍下膏澤於萬物然則陰陽
之報天道之福安知異時不為輕清之士乘此而直往

也哉況與翫未足為君道也元祐癸酉仲夏記

延平閣記

後蔡元長改
名雙溪閣

治平三年延平閣以火廢太常博士程侯下車而復之
未幾繼廢更累政有疑於為樂無復之者司農少卿謝
侯至止遂率其屬講明庶政弊者更之廢者舉之民甚
便以謂徒以勞苦頓瘁有事於務不能推其餘力以及
樂事赴或作副民所欲是豈有道者之政然邪君子之政
自夫無乎不為以至於無為者也有馭之詩所謂在公

明明無乎不為之時也所謂在公載燕無為之時也公
餘既事方暇於飲酒然而明明言其明之不可蔽也雖
然有暇飲酒民之樂不與焉有禮以節文之有樂以舞
蹈之小大之民從公於邁故繼之以在公載燕蓋至於
燕則為樂之禮具焉政事相隨而衆得以共其樂故雖
飲燕不害其為在公也為樂非私長屬有道禮樂之遊
有中陰陽之氣有和風雨以時而至耕稼以時而作穀
以時而收廩以時而入故終之以自今以始歲其有然

則更累政有疑於為樂未有能復之者宜知魯詩之意
哉延平之有閣素以山水之勝知名於士大夫間往來
登賞吟咏酬唱興盡而歸去蓋與滕王閣岳陽樓之得
山水無以異也謝侯遂繕土木之功以協士大夫之所
知與衆共焉不日而閣成以命予記而予欲序其事密
助遊人之才思與夫景物相逐於無窮久矣郡據演山
而下為三支有龍蛇騰躍以赴於江之狀公宇坐中一
支以視千里其勢至江之涘於是有閣東西之水相會

於閣之前衝擊而陰後之人言其深不可測於是有潭
潭之東有山若戲而盤潭之南有山若舉而趨北與三
支相望於清冷之濱寂寞之野龍泉太阿出豐城去人
間卒以是為窟宅亦有意哉登臨之士環視乎其中二
水之會既往而復還於海而海有潮去長樂一驛沂流
而上若迂以歸焉天入澄江山迎曉日飛甍排空下臨
雲漢歸舟天際數葉爭飛遙見演峯倚空凝碧征帆既
落歌酒如鄰拂袖人來誰當邂逅高真乘興多在溪山

况有江南白蘋紅蓼曾聞逸士島上凝眸晚景尤宜水
光山色每橫孤笛獨引清商一曲凌雲發從虛靜旁人
聳耳襟抱俄空漁網高低偶逢煙雨唱回浦嶼日計無
憂橫點青巒一行征鷺蘆花宿處已落難尋聚散如賓
于飛于下纖塵不染有肅其儀食足意忘閒窺清淺垂
虹截雨橫絕雙橋若步青雲恍然行客東澹竒字獨見
仙蹤南麓名園常聞春信月華持夜忽有波光疑是蓮
菜金銀樓闕沈沈倒影寒浸羣峯獨倚欄干誰知有感

古今一夢只合尋真物是人非且悲且笑珠飛波面星
耀方移劍卧潭心風雷未作予聞潭之左右有珠夜明
莫知其所在俄忽有感奮躍於潭中漁者捕之益急而
逾遠予方少時嘗見風雷震發雲雨冥晦三岸歡呼以
為劍歸有頃而後定嗚呼龍泉太阿雷不能分而復合
張不能留而終去神物行藏非人所能制也發於豐城
則上干牛斗歸於龍津則下為雲雨此其所以神乎然
而張公正當時晦不能自引卒與禍會劍知之矣苟不

能去而與張公同瘞於地下豈足道哉或者之論乃以張公所佩而卒不免在人無益何其謬也閣之所在前有神物之靈後有真人之妙必能以和樂安靜福乎居人以清虛翠微發乎景物明有謝侯才識深知魯詩所以有道之意推而行之務與民同以慰登臨之士是亦真人神物之所相者也而況山水之勝已與豫章已陵之所稱在士大夫間覽予之記庶乎有感而無愧焉

演山集卷十五